

ノ見ヲ打破シ心智ヲ活大ニシ以テ終生ノ規模ヲ立ツベシ蓋シ古人亦云ヘルアリ棺ヲ蓋フテ論定マル  
ト眞箇ニ心服ノ良藥石、姑ラク寸言ヲ錄シテ同學ノ士ニ質ス

### 三重縣志摩國實習旅行一斑

在京 漁夫 吉 見 猛

今茲明治廿六年七月我水產傳習所依舊例使生徒就各漁地調查水產事項乃派第五  
回生於靜岡第六回生於千葉第七回生於三重縣焉吾亦辱七回生在三重遣中實七月  
二十七日也行者五拾餘人別之六隊隊置長講師土居茂樹君監督之會志州鳥羽港瀛  
船海運丸碇泊品川灣出帆則自金杉橋下藏短艇三隻乘本船矣是日也天曇風強波浪  
掀揚壯吾輩之行焉俟多時船漸了積荷瀛笛一聲拔錨時正午後五時夕陽西沒四顧蒼  
然皇都百萬瓦甍次第沒影渺茫蒼海觀益浩漭已而月上東山滿江如畫有詩別錄焉  
顧盼數刻船早入橫濱港斯夜泊此至翌廿八日正午又辨漕運其間慰吾輩者唯滿街之  
屋瓦與泊港之林檎而已欠伸無聊可知也船之發埠頭也衆相顧嘻然有生色問船長曰  
舟莫復泊何港否曰敢莫之達鳥羽港有今後廿四時間焉聞之鼓舞益加自橫濱至江戶  
灣口海路十數里海峽漸濶愈進愈悠渺漫如明鏡左映房總之山蜿蜒起伏出沒蒼雲杳  
靄之間右顧武相之濱平沙一帶連認蟹戶鹹烟之村風景優悠更加一段活快矣氣筒吐  
煙益急火輪蹴浪益銳咄嗟之間失武境指顧之中沒總山巒勢如射潮湍急奔船体宛箕  
似一振一蕩忽而山忽而谷走相摸洋數十里比暮過一山下山青煙白問舟子曰豆之大  
嶋也時海豚群十五六長鱗尖喙噴潮破浪疾進射眼心胸爲之浩大已而日漸沒日未登

四、顧、暗、澹、唯、聽、怒、濤、與、船、軋、之、聲、而、已、古、詩、有、句、正、是、蓬、窓、高、睡、足、一、天、幽、夢、落、楓、江、真、個、可、謂、寫、得、此、夕、情、思、矣、天、明、渺、々、天、涯、不、知、何、處、舟、子、曰、遠、州、灘、也、果、然、半、日、之、間、絕、隻、山、片、樹、之、影、唯、見、水、天、一、色、風、濤、澎、湃、不、辨、其、雲、耶、波、耶、比、近、午、西、北、露、嶺、頭、漸、近、漸、大、已、而、航、路、轉、參、尾、之、沿、岸、始、知、前、山、是、參、州、大、山、矣、午、後、一、時、船、達、鳥、羽、港、衆、相、賀、上、陸、於、是、分、一、行、於、二、組、佞、名、甲、乙、甲、則、至、於、英、虞、郡、和、貝、村、乙、則、答、志、郡、管、嶼、互、期、二、十、日、相、交、代、焉、吾、輩、二、十、五、名、卽、稱、甲、組、其、夜、宿、港、井、嶼、樓、乙、組、亦、二、十、余、名、宿、參、河、樓、先、是、愛、知、縣、技、師、大、塚、右、八、朗、君、帶、所、囑、托、先、吾、輩、在、港、乃、推、同、氏、督、乙、組、土、居、君、親、監、甲、組、此、人、鳥、羽、人、御、木、本、幸、吉、君、又、同、所、郡、長、新、井、雄、馬、君、相、尋、訪、問、多、所、幹、旋、今、回、調、查、實、因、兩、氏、力、多、矣、明、廿、九、日、黎、明、各、拔、行、李、而、發、殘、日、靄、樹、路、極、險、有、詩、云、露、侵、舵、褐、曉、風、輕、星、斗、闌、千、分、外、明、寂、寞、小、橋、和、夢、去、稻、田、深、處、艸、蟲、鳴、已、而、天、全、明、認、雞、犬、村、落、健、步、十、里、山、高、水、長、翠、微、遮、眼、涼、風、拂、袖、足、指、次、第、仰、漸、至、鵠、方、村、達、英、虞、灣、北、岸、御、木、本、氏、藏、小、舟、俟、吾、輩、焉、是、則、真、珠、介、蕃、殖、所、之、所、在、處、也、灣、位、英、虞、郡、南、以、鵠、方、立、神、三、和、波、切、船、越、片、田、布、施、田、和、貝、越、賀、御、座、濱、嶼、十、一、村、圍、繞、形、爲、形、爲、一、大、長、灣、四、峰、壁、立、洲、渚、廻、間、島、嶼、碁、布、其、間、不、知、其、幾、何、小、樹、蒼、鬱、幽、閉、可、愛、波、濤、亦、清、穩、肉、眼、可、以、覘、數、尋、之、袂、矣、孤、帆、柔、風、舟、駛、如、箭、境、益、幽、遽、山、益、清、秀、宛、是、一、幅、畫、圖、有、句、曰、棹、破、烟、波、三、十、里、好、風、吹、送、志、州、西、比、午、後、二、時、達、和、貝、北、岸、衆、相、爭、上、岸、先、之、縣、令、達、村、報、吾、輩、到、着、故、村、民、迎、就、舍、舍、以、村、南、龍、珠、院、宛、之、柳、和、具、村、在、灣、南、岸、後、一、面、瀕、大、平、洋、洋、中、有、二、屬、嶼、曰、大、嶼、曰、小、嶼、周、回、共、里、餘、魚、族、之、饒、富、舉、志、州、全、土、莫、復、出、此、村、右、者、漁、戶、僅、六、百、而、其、所、獲、之、價、額、實、上、四、万、八、千、五、百、圓、

舳艫相擁帆櫓相錯欸乃和波濤魚介似丘筵青一帶查靄雲表者則知其勢紀之山長天渺茫綵霞黯淡者則知其熊野之浦沿海莫一不好漁塲而男執網罾釣戈女業潛水採藻如農事僅耕於其暇耳漁法之緻巧風俗之情態寫在調查書故略之在村十有餘日或浸風浪激瀾葉舟下網罾或犯烈砂礫日海濱試割烹夙執刀筆夕握撈棹忽而官吏之事項忽而漁夫之業務拮据多事日以不足也吾輩之至此地也一驚風景絕美二感風俗淳朴眩漁業盛大戀戀如故鄉村民亦愛敬到處親切教事以故實習全了遂不忍去韓子有謂與有譽於前孰若無毀其後與有樂於身孰若無憂於其心宜哉言也吾輩告別上舟也村民相送至岸嗚咽共期再會舟去岸益遠岸頭人尙佇立遙看揚巾招時正薄暮人影次第暗唯認村閭樹遠山靄樹之曩日帶笑相迎者今夕肅然帶愁容實是八月十六日也午後八時舟至鵬方談土居先生先生留督交代生徒此夕送至此處也則命車積行李車夫以夜遲且路險辭不行衆相謀以吾等五人使督運搬俟明朝而發他皆其夕早發至鳥羽於是吾等五人投宿鵬方旅亭黎明命二車而發路險車重艱苦推曳纔至磯部村天輒曇看頓合天地忽而沛雨傾盆烈風捲地車輪啣泥爲不動僅免身磯部神祠旣雨過風罷一天又晴則鼓勇進比午後一時終鳥羽合全組此夜大風雨折樹傾屋至翌尙不止滯留一日越十八日艤舟四隻發港何答志嶋嶋距鳥羽三里周回七里與管嶋及神嶋鼎立鑰伊勢海門斷岬巉立怪岩錯出僅開二三砂濱人家僅三百聚落嶋之東隅風烟明媚山水秀麗水是清澄如鏡之新開彼是決々如履平地瀾漫浩渺極目無際勢尾之山髣髴攢眉黛參州之濱衍迤曳匹練帆影遠如鳬鷗乍出乍沒漁火踈點星華忽明忽滅朝暉夕陰氣象万千誠是

天下絕境使人應接不暇。停嶋十余日。或漁或製。或交漁夫群。詳其慣性之所在。或訪村吏。調其漁事之如何。拮据了第二回調查。吾輩之發鳥羽大塚。先生代監之始終指揮從事。至八月三十一日。事全結局。乃聚村民。饗應訣別。有詩曰。螺杯美酒漲紅潮。盆裏鯛鱈潑刺跳。獻酬捧君君勿惜。何時復有此良霄。翌朝至鳥羽會乙組。此日步謁伊勢兩大神宮。已夜歸宿時。風雨頻至。便船不發。滯爲之滯在二日至九月三日。海運丸解纜。吾等忽々訣大塚先生。御木本幸吉君及新井雄馬君上舟。有詩曰。一天秋色暗清灣。無數嶋巒指顧間。不忍歸舟離港埠。泣向知已鳥羽山船執前回路。一晝夜歸着江都實九月六日也。

## 文苑

齋田生携孔子遭厄圖來索贊。即援筆題二十四字。

內田 遠湖

造次顛沛。所執唯仁。一時身屈。萬世道伸。不懼不惑。吁嗟聖人。

## 藤原廣嗣論

教授

笠間 益三

雖其志出於愛君。憂國而無他意。其蹤跡苟有可議。則人將論其跡。而不問其心。何則。心不可見。而跡可徵也。自古世多有之。而如藤原廣嗣事。豈亦不然乎哉。當廣嗣之時。庸君在上。乾綱頹弛。大臣姑息。百度無張。至使姦僧若玄昉者。蔑如王尊。出入宮禁。而自恣姦穢。如吉備眞備。頗負時望。身列大臣。而不言。是何等朝廷乎。廣嗣憂之久矣。故其在京也。上書請斥。